

## Ho Tloha Bokhobeng ho isa Bojalefeng



---

### SABATHA THAPAMA

#### **Bakeng sa Thuto ea beke ena, Bala:**

Ba-Gal. 3:26–4:20; Ba-Roma 6:1–11; Ba-Heb. 2:14–18; 4:14, 15; Ba-Roma 9:4, 5.

#### **Temana ea Khopolo:**

“Ke moo joale u sa hloleng o le mohlanka, empa u mora; ’me ha u le mora, hape u mojalefa oa Molimo ka Kreste” (Ba-Galata 4:7).

**P**aulose o bolella Ba-Galata hore ba se ke ba phela le ho etsa joalo ka makhoba empa joalo ka bara le barali ba Molimo, ka litokelo tsohle tsa teng—’nete eo Martin Luther e monyenyanane a neng a hloka ho e utloa. Ha kholisheo ea hae ea sebe e ntse e teba, mohlankanyana a leka ka mesebetsi ea hae ho fumana pheko le khotso. A phela bophelo bo thata, a leka ka ho itima lijo, a hlobaela, le ho ithlomola ho hlola bokhobo bo semelo sa hae, moo bophelo ba boitlami bo sa kang ba mo lokolla. A fokola ho tloha moo sehlabelo se leng sieo ele hore a tle a fumane bohloeki ba pelo bon eng bo tla mo thusa ho ema a amohelehile ho Molimo. O re ha a libeha ha morao, ntate ea tiileng le ho latela litaelo tsa tšebetso ea hae ka thata, empa a se ke a fumana khotso ea ka hare. “Ha ene e ba moitlami oa monna o ne a ka fumana leholimo ka mesebetsi ea boitlami ba hae, le ne le ntokela.” Empa ha e ea ka ea mo sebeletsa.

Ke ha morao ha a qalella ho utloisisa ’nete ka pholoho e ho Kreste, joalo ka ha e senotsoe ho Ba-Galata, moo a ilenga qala ho ba le bolokolohi ba semoea le tšepo bakeng sa moea oa hae. Ka lebaka leo, hape, lefatše la rōna ha le ea hlola le tšoana.

*\*Bala thutoea beke ena ho lokisetsa Sabatha, 19 Phato.*

## Boemo ba Rōna ho Krete (Ba-Gal. 3:26–29)

**U ntse u bolokile Ba-Galata 3:25 kelellong, bala Ba-Galata 3:26. Ke joang temana ee e re thusang ho utloisisa seo likamano tsa le molao li leng sona, joale ha re se re lopolotsoe ke Jesu?**

---

Lentsoe hobane le qalong ea temana ea 26 le supa hore Paulose o bona khokahano e hlakileng lipakeng tsa temana ena le lileng pele. Ka tsela e tšoanang le ea ha mora oa monghali a beiloe tlasa molisa (pedagogue) ha feela a ntse a le tlase lilemong, Paulose o re ba tlang tumelong ho Krete ha e sa le masea; kamano ea bona le molao e ftohile hobane joale bara ba holileng ba Molimo. Lentsoe mora ha le khetholle ba batona feela; Paulose hantle o kenyeletsa le ba batšehali sehlopheng sena (Ba-Gal 3:28). Lebaka leo a sebelisang lentsoe bara ho e na le bana ke la hore o na lefa la lelapa kelellong le neng le fetisetsoa ho ngoana oa pele e motona, 'moho le hore polelo “bara ba Molimo” e ne e khethehile ho supa Israele Testamenteng ea Khale (Deut. 14:1, Hos. 11:1). Ho Krete, Balichaba joale le bona ba natefeloa ke likamano tse khetheleng le Molimo tseo e neng e le tsa Israele ka ho khetholoha.

**Ke eng ka kolobetso se e etsang hore e be ketsahalo e bohlokoa ha kaalo? Ba-Gal. 3:27, 28; Ba-Roma 6:1–11; 1 Pet. 3:21.**

---

Tšebeliso ea Paulose ea lentsoe hobane temeneng ea 27 e supa hang hape mokhoa oa ho beha mabaka ka tatellano. Paulose o sheba kolobetso e le qeto e hlokolosi ho kopanya maphelo a rōna le Krete. Ho Ba-Roma 6, o hlalosa kolobetso ka tšoantšetso e le kopano ea rōna le Jesu, lefung le tsohong ea hae. Ho Ba-Galata, Paulose o sebelisa papiso e fapaneng: kolobetso ke ketso ea ho apesoa ka Krete. Puo ea Paulose e hopootsana ka likha tse monate Testamenteng ea Khale tse buang ka ho apesoa ka ho loka le ka pholoho (sheba Esa. 61:10, Jobo 29:14). “Paulose o shalima kolobetso e le nako eo Krete, joalo ka seaparo, a khurumetsang molumeli. Leha a sa sebelise polelo eo, Paulose o hlalosa ho loka ho fanoang ho balumeli.” — Frank J. Matera, *Galatians (Collegeville, Minn.: The Liturgical Press, 1992)*, p. 145. Kopano ea rōna le Krete e tšoantšoang ka kolobetso e bolela hore seo e leng 'nete ka Krete ke 'nete ka rōna. Ka ha Krete ke “peo” ea Abrahamana, re “majalefa hammoho le Krete” (Ba-Roma 8:17), balumeli hap eke majalefa lipallong tsohle tsa selekane tse etselitsong Abrahamana le litloholo tsa hae.

**Lula mohopolong ona oa hore seo e leng 'nete ka Krete ke 'nete le ka rōna. Ke joang 'nete ee e hollang e lokela ho ama boteng ba rōna?**

## Hoba Lekhoba la Melaoana

Ha re se re bapisitse likamano tsa rōna le Molimo ka tsa bara le bojalefa, Paulose joale o thatoloha ka papiso ena ka ho kenyeletsa sehloho sa bojalefa ho Ba-Galata 4:1–3. Puo ea Paulose o tsosa boemo boo eking mong’ a thepa e kholo o se a shoale, le ho siea thepa eohle ea hae ho mora oa hae e moholo. Mora oa hae leha ho le joalo, o ntse a le lilemong tse tlase. Joalo ka ha ho le joalo le ka li-will le kajeno, nntate o ee a bolele hore mora oa hae o tla ba tlasa bahlokomelo le balaoli ho fihlela a holile. Leha e le mong’ a thepa ea ntat’e ka lebitso, ka ha o tlase lilemong o joalo ka lekhoba. Tlhophollo ea Paulose e tsoana le ea pedagogue ho Ba-Galata 3:24, empa tabeng ena matla a bahlokomeli le balaoli a holimo ho feta le ho ba bohlokoa. Ba boikarabellong ba ho holisa e seng feela mora oa mong’ a bona, empa hape ba toalong ea lichelete le tsamaiso ho fihlela mora a holile ho lekana ho ka etsa mesebetsi eo ka bo eena.

**Bala Ba-Galata 4:1–3. Paulose o re’ng moo hape, e thusang ho hlakisa hore na tšebetso ea molao e lokela ho ba efe maphelong rōna, ha joale re se re le ho Kreste?**

Hantle seo Paulose a se bolelang ka polelo “melao ea mathomo” (Bagl. 4:3, 8) ha se utloisisoe. Lentsoe la se-Gerike stoicheia hantle le bolela “merutlhoana.” Ba bang ba le bone e tlhaloso ea lintho tsa qalo tse etsang lefatše (2 Pet. 3:10, 12); kapa matla a matemona a laolang moloko ona o khopo (Ba-Kol. 2:15); kapa e le melaoana ea selumeli, kapa merutlhoana ea melao ea selumeli (Ba-Heb. 5:12). Tlhakiso ea Paulose ea boemo ba botho e le “bana” pele ho ho tla ha Kreste (Ba-Gal. 4:1–3) e supa hore o bua mona ka merutlhoana ea melao ea selumeli. Haeba ho joalo, Paulose o re nako ea Testamente ea Khale, ka melao le mahlabele a teng, e ne e qalo ea evangeli e thehang pholoho. Ka hona, joalo ka ha melao ea mekete e ne e le bohlokoa ho Israele, e ne e le liriti tsa se tlang ho tla. Li ne li sa rereloa ho nka sebaka sa Kreste. Ho laola bopelo ba motho ka litaelo tsena ho e na le Kreste ho joalo ka ho khutlela mehlang eo ea khale. Ho ba-Galata ho khutlela linthong tseo tsa qalo ka mora hore krete a tle ho joalo ka ha mora ea holileng papisong ea Paulose a iketsa ngoana hape!

**Leha tumelo ea bongoana e ka ba ntle (Matt. 18:3), na ke ntho e tsoanang hantle le kholo ea semoea? Kapa u ka etsa khang ea hore ha u hola semoeeng, ke moo joale u bang joalo ka ngoana tumelong? Tumelo ea hao e bongoang ha kae le ho hlohang sekoli le ho tšepa?**

## “Molimo o Romile Mora oa Oona” (Ba-Gal. 4:4)

**“Empa nako ha li phethehile, Molimo o romile Mor’a oona, ea tsoetsoeng ke mosali, a hlahetse pusong ea molao” (Ba-Gal. 4:4).**

Khetho ea Paulose ea lentsoe phethehile e supa nako ea tšebetso ea Molimo ho sebetseng sepheo sa hae nalaleng ea botho. Jesu ha a tla ka nako feela; o tllile ka nako eo Molimo o e lokisitseng hantle. Ka chebo ea nalane, nako eo e tsejoa e le Pax Romana (khotso ea Roma), nako ea lilemo tse makholo a mabeli ea botsitso le khotso hohle pusong ea Roma. Tlholo ea Roma ea lefatše la Mediterranean e ile ea tlisa khotso, puo e tšoanang, mokhoa oa ho eta o lumelehang, setsu se tšoanang se ileng sa akofisa ho pharalla ho potlakileng ha evangeli. Ka chebo ea Bibeleng, hape e tšoaea nako eo Molimo o e beileng pele ea ho tla ha Messia oa pallo (sheba Dan. 9:24–27).

**Hobaneng Krese a ile a lokela ho nka botho ba rōna e le ho re lopolla? John 1:14; Ba-Gal. 4:4, 5; Ba-Roma 8:3, 4; 2 Ba-Kor. 5:21; Ba-Fil. 2:5–8; Ba-Heb. 2:14–18; 4:14, 15.**

---

---

Ba-Galata 4:4, 5 e fupere e ’ngoe ea litlaleho tse khutšoanyane tse hlakileng tsa evangeli mangolong. Ho tla ha Jesu nalaneng ea batho e ne e se tšohanyetso. “Molimo o romile Mor’a oona.” Ka mantsoe a mang, Molimo o entse boikhathatso pholohong ea rōna. Hape ho hlakileng mantsoeng ana ke motheo oa tumelo ea Bokreste ka bomolimo bo sa feleng ba Kreste (John 1:1–3, 18; Ba-Fil. 2:5–9; Ba-Kol. 1:15–17). Molimo haa romela lengosa la leholimo. Eena ka boena a tla. Leha e ne e le Mora oa Molimo eo e sa leng a le teng, Jesu hape o ile a “tsoaloe ke mosali.” Leha ho tsoaloe ke moroetsana ho lekanngoa polelong ena, e tiisa haholo botho ba hae ba sebele.

Polelo “ea hlahetseng pusong ea molao” ha e supe feela bo-Juda ba Jesu empa hape hore o jere kotlo ea rōna. Ho ne ho hlokeha hore Kreste a nke botho ba rōna hobane re ne re ke ke ra ipholosa. Ka ho kopanya bomolimo b a hae le botho ba rōna bo oeleng, Kreste ka molao o iketse ho ba moemeli oa rōna, mopholosi, le morista e moholo. E le Adama oa bobeli, o tllile ho busetsa seo Adama oa pele a se lahlileng ka se utloea ha hae (Ba-Roma 5:12–21). Ka kutlo ea hae o phethile se hlokoang ke molao, ka hona a lokisa ho hloleha ha Adama. ’Me ka lefu la hae sefapanong, o kopane le toka ea molao, o neng o hloka lefu la moetsalibe, ka hona a fumana tokelo ea ho lopolla bohle ba tlang ho eena tumelo ea ’nete le boinhelelo.

## Melemo ea Bojalefa (Ba-Gal. 4:5–7)

Ho Ba-Galata 4:5–7, Paulose pharalla sehlohong sa hae, ka ho tiisa hore Kreste joale “lopolotse ba neng ba le tlasa puso ea molao” (litem. 4, 5). Lentsoe ho lopolla le bolela “ho reka hape.” Le supa thekong ea e neng e lefshoa ho reka tokoloho ea motšoaruoa kapa lekhoba. Joalo ka ha boemo bona bo supa, topollo e bolela nalane e seng ntle: motho o ba bohloking ba ho lokolloa. Ke ho tsoa ho eng, re hlohang ho lokolloa? Testamente e Ncha e hlahisa lintho tse ’nete hara lintho tse ling: (1) ho lokolloa ho diabolose le mahlaahlela a hae (Ba-Heb. 2:14, 15), (2) ho lokolloa lefu (1 Ba-Kor. 15:56, 57), (3) ho lokolloa matleng a sebe a re bofileng ka tlhaho (Ba-Roma 6:22), le (4) ho lokolloa thohakong ea molao (Ba-Roma 3:19–24, Ba-Gal. 3:13, 4:5).

**Ke sepheo sefe se molemo seo Kreste a se fihletseng bakeng sa rōna ka topollo eo re nang le eona ho eena? Ba-Gal. 4:5–7; Ba-Efe. 1:5; Ba-Roma 8:15, 16, 23; 9:4, 5.**

---

Hangata re bua ka seo Kreste a se fihletseng bakeng sa rōna e le “pholoho.” Leha e le ’nete, lentsoe lena ha le hlakisi le ho hlalosa ke ho khetholoha joalo ka tšebeliso ea Paulose ea lentsoe bojalefa (huiiothesia). Leha Paulose e le sona feela sengoli ea Testamente e Ncha se sebelisang lentsoe lena, bojalefa e ne e mokhoa oa molao o tsejoang lefatšeng la koapano ea ma-Gerike le Ma-Roma. Babusi ba ’maloa ba Roma ba nakong ea bophelo ba Paulose ba ne ba sebelisa bojalefa e le mokhoa oa ho khetha mohlhlami ha ba ne ba se na moajalefa oa molao. Bojalefa bo fana ka melemo e ’maloa: “(1) Mora ea entsoeng moajalefa o fetoha mora oa sebele . . . oa mong’a hae. . . (2) Moholisi o lumela ho holisa ngoana eo hantle le ho fana ka litlhoko tsa lijo le liaparo. (3) Moabi a ke ke a latola mora oa hae oa moajalefa. (4) Ngoana a ke ke a etsoa lekhoba. (5) Batsoali ba mali ba ngoana ha ba na tokelo ea ho mo batla hape. (6) Bojalefa bo theha tokelo ea ho ja lefa.”—Derek R. Moore-Crispin, “Galatians 4:1–9: The Use and Abuse of Parallels,” *The Evangelical Quarterly*, vol. LXI/No. 3 (1989), p. 216. Haeba litokelo tsena li tiisoa boemong ba lefatše, nahana feela ka melemo e mehelo eo re nang le eona re le bana ba moajalefa ba Molimo!

**Bala Ba-Galata 4:6, ho hlokomela hore lentsoe la se-Heberu Abba e ne e le lentsoe bana ba le sebelisang ho bua le bo-ntate ba bona, joalo ka lentsoe Daddy kapa Papa kajeno. Jesu o le sebelisitse thapelong (Mareka 14:36), ’me re le bana ba Molimo re na le monyetla oa ho bitsa Molimo “Abba”. Na u natefeloa ke mofuta oo oa katamelano le Molimo bophelong ba hao? Haeba ha ho joalo, bothata bo ho kae? U ka fetola eng ho tlisa katamelano eo?**

## Hobaneng le Khutlela Bokhobeng? (Ba-Gal. 4:8–20)

**Bala Ba-Galata 4:8–20. Akaretsa meleng e ka tlase seo Paulose a se buang moo. Ke ka botebo ha kae a nkang lithuto tse fosahetseng hara Ba-Galata?**

---

Paulose ha a hlalose hantle mokhoa oa bolumeli oa Ba-Galata, empa ka ho hlaka kelellong ea hae o na le mokhoa o fosahetseng oa khumamelo o tlisitseng bokhoba ba semoea. Ruri o bone ho le kotsi, hoo a ileng a bona ho hlokahala hore a ngole lengolo le sisimosang, a hlokomelisa Ba-Galata hore seo ba neng ba se etsa se ne se tšoana hantle le ho tlohela ho ba mora le ho ba lekhoba.

**Leha a sa ka a kena lintlhe ka ho khetholoha, Paulose o re Ba-Galata ba ne ba etsa eng eo a ileng a fumana e lokela ho latoloa? Ba-Gal. 4:9–11.**

---

Ba bangata ba tolokile qotsulo ea Paulose ea “matsatsi le likhoeli le linako le lilemo” (Ba-Gal. 4:10) e khanyetso e seng ea molao oa mekete feela empa khahlanong le Sabatha, hape. Botoloki bo joalo, leha ho joalo, bo feteletsa bopaki. Qalong, haeba Paulose ruri a ne a batla ho qolla Sabatha le melao e meng e khethehileng ea mekhoea ea ba-Juda, ho hlakile ho Ba-Kolose 2:16 hore a ka be a e hlakisitse ka mabitso. Ea bobeli, Paulose o hlakisa hore sohle seo Ba-Galata ba se etsang, se ba tlositse tokolohong e ho Kreste ho ba isa bokhobeng. “Ha e ba poloko ea letsatsi la bosupa ea Sabatha e ne e tliša motho bokhobeng, e lokela hore e be 'Mopi ka bo eena o kene bokhobeng ha a boloka Sabatha ea pele lefatšeng!” — *The SDA Bible Commentary*, vol. 6, p. 967. Hape, hobaneng Jesu a sa boloka feela Sabatha empa a rutile ba bang ho hore na e bolokoa joang, haeba poloko ea eona e nepahetseng e ne e amoha batho tokoloho eo ba nang le eona ho Eena? (Sheba Mareka 2:27, 28; Luka 13:10–16.)

**Na ho ka ba le litloaelo Bosaleng tse re amohang tokoloho eo re nang le eona ho Kreste? Kapa ho e na litloaelo ka bo tsona hore e be bothata, boitšoaro ba rōna ke bofe mekhoeng eo? Ke joang boitšoaro bo fosahetseng bo ka re isang bokhobeng boo Paulose a hlokomelising ka bona ka thata?**

## Ho Ithuta Haholoanyane:

“Lekhotleng la leholimo, ho ile ha behoa bakeng sa Motho, le e le litlohi tsa molao, ba se ke ba timela ho se utloeng ha bona, empa, ka tumelo ho Kreste e le moemeli oa bona le tiisetso, e tle e be bakhethoa ba Molimo ba rekiloeng ho ba bana ka Jesu Kreste ho eena ho ea ka menono ea thato ea hae. Molimo o lakatsa hore batho bohle ba bolokehe; hobane monyetla o lakaneng o entsoe, ka ho fana ka mora oa hae ea tsoetsoeng a ’notši ho lefella motho. Ba tla timela, ba tla timela hobane ba latotse bojalefa e le bana ba Molimo ka Kreste Jesu. Boikhothomoso ba motho bo mo thibela ho amohela mpho ea pholoho. Empa ho loka ha botho ho ke ke ha etsa hore motho a amohele ho Molimo. Se tla etsa hore motho a amohele ho Molimo ke mohau oa Kreste oo re o fuoang ka tumelo ka lebitso la hae. Ha ho kamoo re ka itšepelang mesebetsi ea rōna kapa boikutlong bo phahameng e le bopaki ba hore batho khethoa ke Molimo; hobane bakhetsa ba khethoa ka Kreste.”—Ellen G. White, “*Chosen in Christ*,” *Signs of the Times*, January 2, 1893.

## Lipotso tsa Puisano:

1. Lula haholo khopolong ea se boleloang le seo e sa se bolelelang ho ba joalo ka bana leetong la rōna le Morena. Ke likarolo tsa bana tseo re lokelang ho li qopitsa malebana le tumelo ea rōna le likamano tsa rōna le Molimo? Ka nako e tšoanang, ke ka litsela life tseo re ka feteletsang khopolo ee? Buisanang.
2. Ke ha batho e etsang hore ba tšabe taba ea mohau, ea pholoho ea ka tumelo feela? Hobaneng batho ba bangata ba ka leka ho itšebelisa tsela ea bona ea pholoho, ha e ne e ba seo se ka khoneha?
3. Joalo ka sehlopha, shebang potso ea ho qetela ea thuto ea Labone. Ke ka litsela life re le Masala re ka tšoasoang ke mofuta oa bokhoba oo re lokotsoeng ho oona? See se ka etsahalang joang ho rōna, re ka tseba joang ha e etsahala, ’me re ka lokolloa joang?

## Kakaretso:

Ho Kreste re majalefa lelapeng la Molimo joalo ka bara le barali ba hae. Joalo ka bana ba Molimo, rena le ka kabelo litokelong tsohle tseo kamano ea lelapa e nang le tsona. Ho amana le Molimo ka taba ea melao le litaelo e tla ba booa. Ho tla ba joalo ka mora ea batlang ho tlohela boemo ba hae le lefa hore e tle e be lekhoba.

